



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

Broj: A-408-7/19

Datum: 06.12.2019. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine, glavni tužilac Tužilaštva-Tužiteljstva BiH d o n o s i

**O D L U K U**  
**o izboru najpovoljnijeg ponuđača**

Član 1.

(Predmet odluke)

Ugovor o nabavci usluga štampanja i isporuke štampanog materijala za potrebe Tužilaštva-Tužiteljstva Bosne i Hercegovine, dodjeljuje se ponuđaču **DEFTER d.o.o. Sarajevo**.

Član 2.

(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.
- (2) Ponuda ponuđača iznosi 2.700,00 KM bez uključenog PDV-a.
- (3) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Konkurentskom zahtjevu i Tehničkoj specifikaciji.

Član 3.

(Stupanje na snagu)

Ova odluka stupa na snagu danom donošenja.

**O b r a z l o Ź e n j e**

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-2-525-3-433/19 od 15.11.2019.godine i ispravka 435-7-2-525-8-451/19 od 20.11.2019. godine. Za predmetnu nabavku primljene su četiri ponuda ponuđača: PRINT – GS d.o.o. Travnik, Svjetlost-bh print d.o.o. Sarajevo, Štamparija Fojnica d.d. Fojnica i DEFTER d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2019. godinu, broj: A-493/18 od 20.12.2018. godine članovi Komisije (u daljem tekstu: Komisija) izvršili su pregled i ocjenu ponuda.

Analizom dostavljenih ponuda i poređenjem istih sa zahtjevima navedenim u Tenderskoj dokumentaciji i Tehničkoj specifikaciji za usluge štampanja i isporuke štampanog materijala, broj: A-

408-2/19 od 13.11.2019. godine utvrđeno je da je ponuđač **Svjetlost-bh print d.o.o. Sarajevo** dostavio ponudu koja u tehničkom dijelu ne zadovoljava sve karakteristike tražene Tehničkom specifikacijom. Naime, tačkom 3. 2. Tenderske dokumentacije ugovorni organ je naveo da će „U skladu sa čl. 46. Zakona, ponuda će biti odbijena ako ponuđač u ponudi ne dostavi original ili kopiju ovjerenu od strane nadležnog organa (sud, općina, notar) dokaza o registraciji u odgovarajućem profesionalnom ili drugom registru zemlje u kojoj je registriran ili da osigura posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi s predmetom nabavke...“, a s obzirom da ponuđač **Svjetlost-bh print d.o.o. Sarajevo** nije dostavio traženi dokument, ova ponuda se kao neprihvatljiva odbija.

U pogledu ispunjavanja uslova za primjenu preferencijalnog tretmana domaćeg, ugovorni organ je utvrdio da su ponuđači **Svjetlost-bh print d.o.o. Sarajevo** i **DEFTER d.o.o. Sarajevo** dostavili liste osiguranih lica za obveznika izdate od strane nadležnog ureda Poreske uprave. Međutim, navedeni dokumenti se ne mogu smatrati valjanim dokazima o ispunjenosti uslova o primjeni preferencijalnog tretmana domaćeg, iz razloga što isti sadrže samo spiskove uposlenika-osiguranih lica ponuđača, bez navođenja procentualnog udjela rezidenata u ukupnoj radnoj snazi ponuđača.

Ponuđač **Štamparija Fojnica d.d. Fojnica** nije uopšte dostavio traženi dokaz o ispunjavanju uslova za primjenu preferencijalnog tretmana domaćeg, a koji uslov je tražen u Odluci o ispravci obavještenja o nabavci i tenderske dokumentacije broj: A-408-3/19 od 20.11.2019. godine.

S obzirom na navedeno, u odnosu na opisane ponuđače, neće se primijeniti prefencijalni tretman domaćeg u rangiranju ponuda, dok će se u odnosu na cijenu ponude ponuđača **PRINT – GS d.o.o. Travnik** primijeniti preferencijalni tretman domaćeg.

Nakon izvršenih računskih provjera utvrđeno je da u ponudama ponuđača **PRINT – GS d.o.o. Travnik**, **Štamparija Fojnica d.d. Fojnica** i **DEFTER d.o.o. Sarajevo** nema računskih grešaka.

#### Pojašnjenje neprirodno niske cijene

Na osnovu člana 66. stav 1. Zakona o javnim nabavkama, Komisija je uputila ponuđaču **Štamparija Fojnica d.d. Fojnica** zahtjev za pojašnjenje neprirodno niske ponuđene cijene, broj A-408-4/19 od 02.12.2019. godine jer je ponuda ponuđača **Štamparija Fojnica d.d. Fojnica** za više od 20% niža od cijene drugorangirane prihvatljive ponude, koji čini sastavni dio ovog zapisnika.

Nakon blagovremeno dostavljenog pojašnjenja za neprirodno nisku cijenu ponude od strane ponuđača **Štamparija Fojnica d.d. Fojnica** broj: 263/19 od 04.12.2019. godine, koje čini sastavni dio ovog zapisnika, Komisija je isto razmotrila i utvrdila da je isto osnovano iz razloga definisanih članom 66. stav 2., tačke a) i b) Zakona o javnim nabavkama.

Analizom dostavljenih ponuda i poređenjem istih sa zahtjevima navedenim u Tenderskoj dokumentaciji i Tehničkoj specifikaciji za nabavku usluga štampanja i isporuke štampanog materijala broj: A-408-2/19 od 13.11.2019. godine utvrđeno je sljedeće:

Ponude ponuđača: **PRINT – GS d.o.o. Travnik**, **Štamparija Fojnica d.d. Fojnica** i **DEFTER d.o.o. Sarajevo** zadovoljavaju uslove Tenderske dokumentacije i Tehničke specifikacije.

Nakon provođenja e-aukcije dana 06.12.2019. godine i određivanja konačnih cijena ponuda, članovi Komisije su utvrdili da su ponude u skladu sa procijenjenom vrijednošću, te su iste rangirane na sljedeći način:

1. **DEFTER d.o.o. Sarajevo** - 2.700,00 KM,
2. **PRINT – GS d.o.o. Travnik** - 2.915,00\* KM,
3. **Štamparija Fojnica d.d. Fojnica** - 3.195,74 KM,

\*označava cijenu na koju se primjenjuje preferencijalni tretman domaćeg

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine za izbor najpovoljnijeg ponuđača **DEFTER d.o.o. Sarajevo**, čija ponuda ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima
- Odjelu za materijalno-finansijske poslove.

**GLAVNI TUŽILAC  
TUŽILAŠTVA/TUŽITELJSTVA BiH**

Gordana Tadić

